

# THE COMPOST COLLECTIVE



## PA FAKAPOPO VEVE

### TAUTEUTE KE KAMATA

Fifili e vala ne laa mitaki he kaina ke tuku ai e pa fakapopo otaota haau. Tuku fakapiki ke he kelekele ke maeke he tau mena momoui he kelekele ke huhū ki loto. Tuku taha e atu ka akau he matapatu he pa ke maeke he matagi ke hoko mo e agifano i loto.

### TAU MENA KE LALAFI KI AI

**TAU MENA MATA** tau mena molūlū, foou, palapala mo e lahi e nitrogen, tuga e tau otaota mena kai po ke tau motie ka oti e fakameā.

**Tau mena kakī** ko e ha mena lanu kakī, kua mavalavala mo e humelie ke he kapone, tuga e tau lau akau kua mokulu he vahā tau mateafu, tau laupepa mo e tau gati puha pepa, tau koloa akau, tau sikiwa mo e tau chop stick, tau vala akau kua nakai fakahū aki e vai kona, tau vala motie kua hele ne kua lanu kakī.

### TAU MENA NE NĀKAI LATA KE LALAFI KI AI

Tau pupu kelea, tau te kulī mo e pusi (mitaki e tau te mai he tau manu kai motie po ke kai akau) lolo mo e falu puke foki, tau kai moho tuai tuga e falaoa mo e/po ke pasatā mo e tau vala manu ka e mitaki kaeke kua fitā he fakahū fakamua aki e Bokashi.



EcoMatters



Kaipātiki Project  
share in nature's revival

Auckland Council  
Te Kaunihera o Tāmaki Makaurau



# PA FAKAPOPO VEVE

Tau veve popo mo e magomago


Tau otaota mata mo e fooo

Fakaaoga e tau otaota mena kai ke he fata otaota mata haau.

Seneuisi he kelekele fakapopo

Ka mole e falu a magaaho to loga fakahaga tau fata ka lalafi ki luga ato faliu kelekele fakapopo.

Kelekele fakapopo motua



## SENEUISI KELEKELE FAKAPOPO

Ke taute e kelekele fakapopo, kua lata a koe ke tuku fakalataha e atu veve mata mo e atu veve magomago, ke tuga e seneuisi

1. Ko e fakafufuta kua lata ki ai, ko e 30% he tau veve mata mo e fooo ti 70% he tau veve popo mo e magomago.
2. Kamata e seneuisi aki e matapatu he tau veve popo mo e magomago
3. Mui mai ai, folafola fakatatai aki e atu he tau veve mata mo e fooo. Fakahigoa e mena nei ko e tau fakapukepuke he seneuisi
4. Lali ke fakamooli, ko e tatai ni e tau matolu he atu veve mata mo e atu veve magomago.
5. Fio fakalataha e tau atu ua nei ke fakamafiti aki e memege mo e popo ka manako ki ai.
6. Uufi fakatatai aki e atu magomago. Ko e pogoti he seneuisi a nai ti lagomatai ke fakatokolalo e elo/namu mo e tau lago.

## KO E LEKUA KO E TALI HANEI

Maeke e tau kumā ke manako ke he tau veve fakapopo ha ko e mouaga he tau mena kai mo e kaina ke nofo fakamalu ai. Ko e mena ia, ko e pa fakapopo veve haau ko e matakavi mitaki lahi, ne toka mamao mai he fale haau, ke fakatoka ai e tau hele mo e tau page ke fakatatai aki e tau manu kelea nei.

Kaeke kua o mai agaia ni e tau manu ia;

- lali ke tamau ke mau e pogoti he tau magaaho oti
- toka e pa fakapopo veve haau i luga he tau matapatu he uaea taute pa ne mahomo atu 10cm he matapotu ti pine hifo ki lalo
- poka e uaea taute pa ke he tau pūpū fakamatagi ke pa mo e taofi aki e tau veve, ka e maeke agaia ni e matagi ke fano viko i loto.

## FAGAI HE KELEKELE FAKAPOPO HAAU

Fakatumau ke fagai e kelekele fakapopo haau he tau fata tuga he fakakite atu he fakatino, ka e manatu, kua lata e kelekele fakapopo ke pahū tuga e sponge. Ke fakatatai atu ki ai, lafi e vai ke he tau vala magomago, ufiufi ke mau e pahahū ti kikite kua hahā i ai lahi e matagi hahau i loto mo fafo he tugaveve.



Matagi hahau



Vai



Tau veve mata



Tau veve magomago

Tau veve pakupaku mo e magomago

Tau veve mata mo e fooo


Tau veve pakupaku mo e magomago

Tau veve mata mo e fooo

Tau veve pakupaku mo e magomago

Tau veve mata mo e fooo

Tau veve pakupaku mo e magomago



## VAHĀ MOTUA

Kua mau tuai e kelekele fakapopo ke fakaaoga kaeke kua manogi, uliuli mo e valavala ti nakai maeke i a koe ke kitia tonu e tau veve ne tuku i ai he kamataaga. Na fa mahani ke 6-8 e mahina he leva.

Fakaaoga e vala 1/3 i lalo he kelekele popo ka utakehe e pa. Utakehe aki e huki keli katene e vala 2/3 i luga he kelekele hafa popo ti liu tuku ki loto he pa. To toe hifo e tumutumu kelekele popo talumelie mitaki ke folafola e koe he katene haau.

## FALU MANATU LAGOMATAI

- Ko e tau magaaho oti, kua lata e tumutumu fakapopo veve haau ke pahahū tuga e sponge ka e nākai pala, ha ko e mena haia ka tautaoifi aki e ea ne fano viko.
- Kilu tumau e tau atu i luga he fakapopo veve haau aki e huki, fakaneene ke ua fio mo e tau atu lalo he fakapopo veve. To lagomatai he tauteaga nei ke fakamaagiagi e tau veve fooo ti lagomatai foki he tauhele nei ke tautaoifi e tau moko kelea.
- To moua e tau veve faliu kelekele i lalo he matapatu fakahiki he tumutumu ka mole e 6-8 e mahina.

## KO E MALOLŌ TINO MO E HAOHAO MAFOLA HAAU

Maeke e fakapopo veve haau ke hahā i ai e tau moko ikiiki [micro-organisms] tuga e Legionella ne maeke he falu a magaaho gahoa ke moua ai taha gagao hagahaga kelea lahi. Kua tomatoma atu nei ke tui e pa mata po ke lali ke ua fagagu ki loto e tau hanahana ahua kaeke kua vela e fakapopoaga veve.

Tui tumau e tau afi lima ka gahua ke he fakapopoaga veve, ti holoholo e tau lima haau ka oti.